

Sarajevo, 11.01.2019.godine

Klub poslanika u Predstavničkom domu  
Parlamenta Federacije BiH  
Zastupnik Irfan Čengić

ZA:  
BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM  
n/r Predsjedavajućeg PD Parlamenta FBiH

U skladu sa članom 11. Poslovnika o radu Predstavničkog doma Parlamenta Federacije Bosne i Hercegovine, podnosim:

### INICIJATIVU

Za donošenje ZAKONA O IZMJENAMA I DOPUNAMA ZAKONA O SUKOBU INTERESA U ORGANIMA VLASTI U FEDERACIJI BOSNE I HERCEGOVINE.

Zakon je potrebno uskladiti sa Zakonom o sukobu interesa u institucijama vlasti Bosne i Hercegovine te formirati tijela koja će provoditi Zakon jer već 6 godina u FBiH ne postoje tijela za provođenje Zakona.

Također u skladu sa članom 22. Zakona o sukobu interesa u institucijama vlasti Bosne i Hercegovine, entiteti su bili dužni donijeti izmjene i dopune entitetskih zakona u roku od 60 dana, Federacija BiH to nije učinila ni nakon 6 godina.

Podsjećam vas da je Vlada Federacije Bosne i Hercegovine u skladu sa članom 160. Poslovnika o radu PD Parlamenta FBiH dužna u roku od 30 dana dostaviti mišljenje o inicijativi za donošenje zakona.

Ukoliko u poslovničkom roku Vlada FBiH ne dostavi mišljenje na inicijativu za donošenje Zakona, obavještavam vas da ću u skladu sa poslovníkom kao zastupnik u proceduru uputiti Prijedlog zakona po hitnom postupku..

### OBRAZLOŽENJE

Zakonom o sukobu interesa u institucijama vlasti Bosne i Hercegovine usvojen je 2012. godine i njime je naloženo da entiteti u roku od 60 dana moraju donijeti izmjene i dopune entitetskih zakona, Federacija BiH to nije učinila niti 6 godina nakon izmjene državnog Zakona.

#### Sekretarijat

Adresa: Alipašina 41  
71000 Sarajevo  
Bosna i Hercegovina

Broj telefona: +387 (0)33 563-900  
Broj faksa: +387 (0)33 563-901  
E-mail: sekretarijat@sdp.ba

www.sdp.ba  
facebook.com/sdpbih  
twitter.com/sdpbih  
youtube.com/sdpbih

Državnim zakonom iz 2012.godine je Centralnoj izbornoj komisiji Bosne i Hercegovine oduzeta nadležnost implementacije ovog Zakona i dodijeljena parlamentarnoj komisiji Parlamentarne Skupštine Bosne i Hercegovine.

Međutim nakon što FBiH nije donijela izmjene i dopune zakona, a CIK BiH su oduzete nadležnosti u ovom entitetu već 6 godina ne postoji institucija, organ ili tijelo koje može implementirati Zakone o sukobu interesa. U ovom periodu zabilježeni su brojni slučajevi očitog sukoba interesa, obavljanja zastupničkih pozicija u zakonodavnoj vlasti, i savjetničkih u izvršnoj vlasti ili obavljanja direktorskih pozicija u Javnim preduzećima, obavljanja pozicije Premijera Kantona i izvršnog direktora u Javnom preduzeću i slično.

Smatram da Vlada Federacije Bosne i Hercegovine po hitnom postupku u Parlament FBiH treba dostaviti izmjene i dopune Zakona kako bi se što prije mogli formirati organi koji sprječavaju sukoba interesa i nespojivost pozicija.

Svaki dan bez ovog zakona ima nesagledive posljedice za Federaciju, Kantone, općine i gradove.

Također ukoliko Vlada BiH da pozitivno mišljenje za donošenje ovog zakona stavljam se na raspolaganje Vladi i Parlamentu FBiH u procesu pripreme zakonskog rješenja.

Irfan Čengić, zatsupnik